

मेरे पित्र ने बुलवा दे गुरु गोरख स्यान मनाऊंगा



मेरे पित्र ने बुलवा दे,
गुरु गोरख स्यान मनाऊंगा,
गुरु गोरख स्यान मनाऊंगा,
गुरु गोरख स्यान मनाऊंगा,
मेरे पित्र न बूलवादे,
गुरु गोरख स्यान मनाऊंगा lbd।

तर्ज - श्री राम तै मनै मिलादे।

पित्रां का जब ध्यान धरूँ सूँ,
बन्द जावै सैं हाथ मेरे,
पित्र देवता दिखते कोन्या,
दिखै भूतड़े मनै घेरें,
मेरे घर न पावन बणादे,
गुरु गोरख स्यान मनाऊंगा,
मेरे पित्र न बूलवादे,
गुरु गोरख स्यान मनाऊंगा lbd।

सुख शान्ति ना घर म बाबा,
कोन्या बरकत रहरी हो,
घर के मालीक साथ छोडगे,
नयू चिन्ता स गहरी हो,
मेरी दुविधा दूर भगादे,
गुरु गोरख स्यान मनाऊंगा,
मेरे पित्र न बूलवादे,
गुरु गोरख स्यान मनाऊंगा lbd।

हे नाथों के नाथ जागजा,
जगा मेरी तकदीर न,
फंसे बन्धन म पित्र दादा,
ल्यादे काट जँझीर न,
मेरा रूस्या राम मनादे,
गुरु गोरख स्यान मनाऊंगा,
मेरे पित्र न बूलवादे,
गुरु गोरख स्यान मनाऊंगा lbd।



कहरया गजेन्द्र तेरे आगै,
अपणी दुखद कहाणी नै,
कितना दर्द झेलरया 'लक्की',
पूछ आँसूआँ के पाणी न,
जखमाँ प मरहम लगादे,
गुरू गोरख स्यान मनाऊँगा,
मेरे पित्र न बूलवादे,
गुरू गोरख स्यान मनाऊँगा lbd।

मेरे पित्र ने बुलवा दे,
गुरू गोरख स्यान मनाऊँगा,
गुरू गोरख स्यान मनाऊँगा,
गुरू गोरख स्यान मनाऊँगा,
मेरे पित्र न बूलवादे,
गुरू गोरख स्यान मनाऊँगा lbd।

गायक – लक्की शर्मा पिचौलिया।
लेखक – गजेन्द्र स्वामी कुड़लाण।
(करनाल) 9996800660